

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Jonstoni|| Theatrvm|| Vniversale Omnivm|| Animalivm||
Qvadrupedvm

Jonston, Jan

Heilbrunna, MDCCLV.

VD18 90528808

Caput IV. De animali foetido, Graffa et Caoch.

urn:nbn:de:gbv:45:1-10966

De Eiulatore, Su et Peva.

Nieremb.
Hist. Exot.
1.4. c. 72. **D**e *Eiulatore* ita idem Nierembergius. Nocentior astus alterius animalis, infantilem simulantis iumentum, edito sono sub oppida et villas in prima nocte. Statim miserenti acurrentes, affectu quaeſituros plorante perimit. Sed iam caute repetito periculo oppidani, prodeunt e domibus incensis titionibus structi. Forma et moles huius ferae canem leporarium imitatur.

Idem 1. 9.
c. 74. **Su**, id est aqua, quod iuxta fluvios plerumque degat, apud Patagones invenitur. Alii *succarath* vocant. *Torva* est, prima oris acie quodammodo leonem aemulatur, aut hominem, nam ab aure barbata, haud promissis valde pilis, pectore propendente, circa lumbos nimis constringitur, *cauda* ampla et longa scuri initar. Gigantes eius regionis, quoniam coelo non admodum calido fruuntur, protegunt se huius fe-

rae pellibus. Cum urgetur pellis gratia, catulos in dorsum admissos cauda contegit, et fuga elabitur. Capitur una cum catulis scrobe effossa et celata ramusculis. Inclusa, prae rabie aut generositate catulos obtruncat, et horribili clamore venatores atteret, donec sagittis caesa excorietur. Legi, licet auctor non sit oculatae fidei, prae caritate ad prata portare filios, ubi fertis floridis et odoriferis, comit et coronat illos, tum filios recicomare simili in parentes vetulos pietate, eosque portare et alere.

Peva catelli est magnitudine. Hoc Nieremb.
ubi tygridem conspexit, illius insistit H.E.I. 9
vestigia, et allatrat assidue, ut latratu audito, tum ferae, tum homines latebras petant, ac sibi ab instanti fera caveat. Hinc saepe fieri vide-
mus, ut prae inedia, praedaeque defectu, in agris expirent.

De animali foetido, Graffa et Caoch.

Nieremb.
1.9. c. 89. **A**pud Chiribenses animal est genitu mirabile, ait Petrus Martyr, strigosum, cubitales loco stercoris emittit colubros. Unum domi sua se nutrit, et aperto experimento rem ita esse deprehendisse, Fratres Dominicanici afferunt. Quod solutae tendant colubri, interrogati. Ad vicinas dixerunt silvas, ubi vitam agunt brevem. Putet animal plus, quam qualemcumque cadaver foetidum in sterquilinia proiectum: Inde putoris eius impatientes interfici animal Dominicanii iusserunt. Vulpem *rostro*, pilo lupum imitatur. Cum in infantum ventribus vermes passim creari, neque senes ab ea peste esse immunes, atque una cum excrementis, emitte vivos didicerim, quos mutato nomine vulgus lumbricos appellat, cure et illud accidere posse

non crediderim, inquit Nierembergius, talibus praecipue viris, id affirmantibus.

Graffa in insula Zanzibar potissimum invenitur. Animal est exigui capitis, et longissimi colli, anteriores crura oppido excedunt posteriora, colore vario albet, rubet, roseisque distinguitur maculis. Mitis bestia est.

Caoch animal est tres dodrantes Idem 1. d.
longum, pilo vestitum nigro, promiscue cum candenti, sed ventre fulvo. Clamans noctu, humanas imitatur voces. Suis instar edit mayzium cum viret, nec dum spicas concxit Sol.

Et tantum de Quadrupedibus sufficient. Si quid interim obvenerit, quod nos hactenus latuit, in Paralipomenis, si Deus ita voluerit, poterit adiici.

Gratia Tibi Domine IESV.

Ee

PETRI

praestanda, quum Zebet *albahar* spumam maris interpretetur, Zebet forte *spumam* significabit, et non inepte nostro Zibetho aptabitur metapora, siquidem, quum colligitur irato animali, quasi spumans adparet.

Qui Catum, vel Mustelam dixe-

re, hoc animal inter feles silvestres reposuisse reor. Verum etiamsi capit sit aliqua similitudo, in cacteris tamen plurimum discrepant. *Nos Hyaenam odoratam nuncupare maluimus, idque in sequentibus probabile ostendemus.*

C A P U T II.

An Civetta sit Pardalis Antiquorum?

*Cur animalia in-
odora.*

Quacrit Aristot. sect. 13. probl. 4. *Cur animantium nullum bene oleat, praeter pardalim, seu pantheram, haec namque propter suavem, quem spirat odorem, ad se feras illicit, quod pluribus exposuit Theophrastus ipsius discipulus libro 6. de cau. plant. cap. 5. hisce verbis: Omnino inter bruta, vel nullum, vel certe rarum admodum est, quod odo rem persequitur gratia suavitatis, nisi per accidens, cum alimentum est tale. Quippe adpetitus ad ipsum pabulum, eiusque causa est. Si quid tamen etiam istiusmodi est, baudquam homini bus constat. Nam, et pardalim caeteris animalibus suaviter olere quidam affirmant, et venari in senecta nimirum bestias alliciendo gratia suiorum. At nobis nullam odoris affert suavitatem. Nisi verum etiam illud dixeris, ut certe est verum, olfactum homines habere omnium ferme deterri- mum. Itaque multi odores, suavita- tesque eorum, vel gravitates, latere hominem possunt, et cap. 26. Animal nullum, inquit, penitus odoratum est, nisi quis pardalim dixerit bellus bene olere, retulit id etiam Plinius lib. 8. cap. 16. Iferunt scribens, odore earum mire sollicitari quadrupedes cunctas, sed capitist orvitate terreri. Quam obrem occultato eo, reliquas dulcedine invitatas corripunt. Dixerat enim Aristot. lib. 9. de Hist. An. cap. 7. Pantheram sese abscondentem venari dicunt, propterea, quod suo odore belluae delectari intelligat, proprius enim ita accidunt, quas corripiat, huiuscemodi autem suavem odorem, non belluae tantum sentiunt, sed sui odoris vim ipsa quoque pardalis sentit. Scriptum etiam reliquit Aelianus lib. 5. de Hist. Anim. cap. 40. Admirabilem quandam, et nobis occultam odoris*

sua uitatem olet pardalis, quam bene olendi praestantiam diuino munere donatam, cum sibi propriam planetem, tum vero caetera animalia hanc eius vim praecclare sentiunt. Haec autem hoc modo venationem capit. Quum horum, quae ad viduum opus sunt, egit, sese vel in loca fructibus densis confixa, vel foliis vestita ita occultat, ut inventu difficultis, tantum respiret. Tum biniculi, dorcas, caprae silvestres, atque alia eiusmodi animalia quaedam suavis odoris illecebria attrahuntur, et proxime accidunt, illarum, quam mox de latebra exiliens ad praedam serumpit, atque eam comprehendit. Est igitur Pardalis odorata. Addit Plinius: Panthera, et Tigris macularum varietate prope solae bestiarum spectantur, caeteris unus, ac sius cuiusque generis. Pantberis in candido macularum oculi. Haec autem duo, odor, nimirum, et maculae, Petrum Gil- Error. P. lium, et alias, ut refert Gesnerus, Gillii, induixerunt, ut crederent, nostram Civettam esse pardalim antiquorum.

Quae opinio facile refellitur. Antiquorum enim panthera vera omnibus hoc aevio est nota, et multum differt a Civetta, immo Septalius in pro-blematis, Joan. Faber, et alii ne-Anim- lium ex-gant pantheris suavem inesse odo-crementa rem, sed bruta alimenti specie odo-rem istum insequi, hominibus au-tem neutiquam gratum adparere. Sed, ut verum dicam, multorum animalium excrementa hominibus suaviter odorata videntur, quae Ari-stoteli, atque Theophrasto ignota fuerunt. Siquidem Plin. libro 28. de animali Cordylo Crocodilo simili verba faciens, Alter inquit, illi similis, multum infra magnitudinem, in ter-ra tantum, odoratissimisque floribus

E e 2

vivit,

*Pantherae
odoratae.*

*Venatus
Pantherae.*